

परकासितवाक्य

परसतावना

1 ई यीसु मसीह केर परकासन है, ई परमेसुर यीसु मसीह केर दिहिन कि तू अपने सेवकन पै सब बातन केर परगट करै, जउन जल्दी होय वाली है। यीसु मसीह अपन सरग केर दूत भेज केर अपने सेवक यहून्ना केर सब कुछ बताइन। ²अउर यहून्ना यीसु केर सँदेस केर बारे म अउर यीसु मसीह केर गवाही केर बारे म जउन कछु देखिन, वहिके ई गवाही दिहिन। ³धन्य हैं, ऊ जउन ई भविसवानी केर बातन केर पढ़त हैं, अउर धन्न हैं, ऊ जउन उइका सुनत हैं, अउर इह मा लिखा बातन मानत हैं, काहे ते कि समय करीब आय।

संवादु अउर धन्यवादु

⁴कछु ऐसन लोग चुपके ते हममा आये मिलै जेहिके दन्द क बरनन पुराने समय ते पहिलेन ते लिखा भवा हवै। जे भगतिहीन हवै अउर हमरे परमेसुर की किरपा क लुचपन म बदल डारतु हैं जे हमारे अद्वैत सुवामी अउर परभु यीसु मसीह केर इनकार करत हैं। ⁵जदपि तुम सब बातन केर एक बार जान चुकै हव, मुला हम तुमहे जा बात की सुधि दिलावत चाहत हन क परभु एक कुल क मिसर देस ते छुड़ावे केर बादि विसवास न करिके वहि केर नास कइ दिहिन है। ⁶वै हमका एक राज यानी बाप परमेसुर खातिर पुरोहित बनाय लिहिन है उनके आराधना अउर अनंत महिमा जुगन—जुगन तक होत रहै। आमीन।

⁷देख, यीसु बादरन केर साथे आवत हैं, ओन्हे सब जनी अपने आंखिन ते देखिहैं जउन उनका बेधे रहा धरती केर सगरे जात मुला जउन उइका बेधे रहा उइके कारन पछतावा मा रोइहैं हां — आमीन।

⁸परभु यीसु जउन हैं, जउन दुनियां केर सुरु मा रहा अउर जउन आवै वाला हय, वही सबसे ताकती परभु केर ई कहब है “अल्फा अउर ओमेगा मा हओ” (यानी “हम सुरुआत अउर आखिर हन”)

एक मनइ जउन परमेसुर केर बिटवा

⁹हम यहून्ना जउन तोहार भाई हय, अउर यीसु केर कस्ट, राज अउर धीरज मा तोर साथी हय हम यीसु केर सँदेस सुनावै केर कारन अउर यीसु केर गवाही देय केर कारन पतमुस नाव केर टापू म रहा। ¹⁰परभु केर दिन ई मारे पै आतमा उतरा अउर हम अपने पाछे तुरही केर आवाज केर नाई एक आवाज सुनौ। ¹¹अउर पिरथी के सगरे कुल उइके कारन छाती पिटिहैं। “जउन कछु देखत हौ उइका किताब मा लिख अउर इफिसुस, स्मरना, पिरगमुन, थुआतीरा, सरदीस, फिलदिलफिया, अउर लौदीकिया सहरन केर सात कलीसियन केर भेज दीन।”

¹²हम घूम गयो कि जउन मोते बोलत हन, उनका देखौ। घूमे पै उइका सरगे केर सात दीवट देखाय परी। ¹³अउर दीवटन केर बीच मनई पूत जइसन एक मनई देखाय परा जउन पाँव तक लम्बा चोंगा पहिरे रहा। ऊ अपने छाती पै सोने केर चौड़ी पट्टी धरे रहा। ¹⁴उनके सर केर बाल सफेद ऊन अउर बरफ जइसन उज्जर रहा उनके आंखिन आग केर लपट की नाई धधकत रहिन। ¹⁵उनके चरन भट्टी मा तपा चमचमात धातु जइसन अउर उनके आवाज सागर केर गरजन की नाई रहा। ¹⁶उनके दहिने हाथ मा सात तारा रहिन, उनके मुंह ते दुधारी तेज तलवारु निकलत रही अउर उनके मुखड़ा दुपहरिया केर सूरज की नाई चमकत रहा।

¹⁷उनका देखते हम मरतक की नाई उनके गोड़ेन पै गिर पड़यो। वइ आपन दहिना हाथ मोरे ऊपर धरिन अउर कहिन, ‘डेराव न, पहिला अउर आखिरी हमहिन’ ¹⁸हम जिन्दा हन हम मर गये रहेन मुला देख हम जुगन—जुगन तक जिन्दा हन। मिरतु अउर अधलोक केर चाभि हमरे पासइ हवै।

¹⁹अइसे जउन कछु तू देखे हौ, जउन अबहीं होत हय अउर यहिके बाद होय वाला है, उइका लिख डारो। ²⁰ई सात तारन केर भेद जउन तू मोरे दहिने

हाथे मा देख अउर सात सोने केर दीवट केर भेद ई है। सात तारन सात कलीसियन केर दूत हैं, अउर सात दीवटन सात कलीसियन हैं।

इफिसुस केर कलीसिया

2 इफिसुस केर कलीसिया का दूत केर लिख, जउन अपने दहिने हाथे मा सात तारे लिहे हैं, जउन सोने केर सात दीवटन केर बीच भरमत है, वहिका ई कहब है।² हम तोरे काजन ते तोरे मेहनत ते अउर तोरे धीरज ते वाकिफ हय। हम जानत हैं कि तू दुस्टन केर देख नहीं सकिहो, जउन लोगन अपने आप केर परेरित कहत हन, अउर हैं नाहीं उनका तू परख्यो हयो, अउर उनका झूठा पायो हय।³ तू धीरज वाला हय तू मोरे नाव खातिर दुख उठायो है अउर थका नाहीं भये।

⁴ यहू पै मोका तोरे खिलाफ ई कहै केर है कि तूने हमते आपन पहिले केर परेम छोड़ दिहौ।⁵ ईयाद कर कि कउने दसा ते तोर पतन भय है। अब तू हिरदय मा बदलाव लाव अउर पहिले की नाई बेवहार कर। अगर नाहीं करिहौ तो हम आय केर नियत जगह ते तोर दीवट हटाय दीनि जाई।⁶ फिर तोरे मा एतना तो हड़यें हय कि मोरे नाई तू है, निकुलइयन केर कुकरमन ते धिरना करत हयो।

⁷ जेहिके कान होय ऊ सुनि लेय कि आतमा कलीसियन ते का कहत है जउन जीते, हम ओका उइ जीवन केर पेड़े मा ते जउन परमेसुर केर सरग लोक मा है, फल खाये क द्याबै।

स्मुरना केर कलीसिया

⁸ स्मुरना केर कलीसिया केर दूत का लिख 'जउन पहिला अउर आखिरी हय, जउन मरि गये रहा, मुला अब जीयत हय, वहिका ई कहब है'⁹ हम तोहरे दुख अउर गरीबी का जानत हईं। फिर तू धनी है। मै ऊ लोगन केर भी जानत हईं जउन अपने आप केर यहूदी कहत हन, मुला हैं नाहीं। ऊ तोहरे बारे मा निन्दा फइलावत हन। तू सैतान केर सभा केर सदस्य है।¹⁰ जउन कस्ट तोहरे पै आवै वाला हइ, ओसे डरौ न, सावधान, सैतान तोहरे मा ते कुछु केर कैदखाने मा डारे वाला है कि तोहरे विसवासु केर परख होय। इह तरह तोहे दस दिन तक कस्ट सहै केर परी। मिरतु तक विसवास मा बना रहो, तब हम तोहें जीवन केर मुकुट द्याब।

¹¹ जेहिके कान होय ऊ सुनै कि आतमा कलीसियन ते का कहत है, जउन जीतै, उइका दूसरे मिरतु ते

कउनो हान न होई।

पिरगमुन केर कलीसिया

¹² पिरगमुन केर कलीसिया केर दूत का लिख — 'जेहिके हाथे मा तेज अउर दुइधारी तलवारु है, वहिका ई कहब है,¹³ हम जानत हौ कि तू कहां रहत हयो — वै जगह पे जहां सैतान केर गद्दी है। तू मोरे नाव पै अटल रहयो है अउर ऊ दिन मोरे पै विसवास करै ते हट्यो नाहीं है जब मोर विसवासी गवाह अन्तिपास तोहरे बीच, जहां सैतान केर बास है, मारा गय।

¹⁴ फिर मोका तोरे खिलाफ कुछ कहै केर हय: तोरा इहां कुछ अइसन मनई है जउन विलाम केर सीख केर मानत हन, अउन राजा बालक केर सिखाइस कि इसराएलियन केर भरस्त करै कि ऊ मूरतिन केर परसाद खांय अउर बेभिचार करै।¹⁵ यही तरह तोहरे बीच कुछ लोग अइसन हैं जउन निकोलस केर मानै वालन केर सीख का मानत हैं।¹⁶ इहते हिरदय का बदलो, नाहीं तो जल्दी मा तोहरे लगे अउर अपने मुंह केर तलवारु ते ओनसे लड़बूं।

¹⁷ जिनके कान होय, सुनै कि आतमा कलीसियन ते कहा कहत है। जउन जीतै, ओका हम गुपत धन केर कुछ हिस्सा द्याबै, अउर सफेद पाथरो द्याबै। उइ पाथर एक नया नाव लिखा होई, जेका पावै वालै केर अलावा कउनो अउर नाहीं जानत।

थुआतीरा केर कलीसिया

¹⁸ 'थुआतीरा केर कलीसिया केर दूतन का लिख': परमेसुर पूत जेकर नयन आगी केर लपट की नाई हन, अउर जेकर चरन चमचमात पीतर की नाई हन, वहिका ई कहब है।¹⁹ हम तोरे कान पिरेम, विसवासु, सेवा अउर धीरज केर जानत हईं। तोर पिछला काम तोरे पहिले केर काम ते बढ़िके हैं।

²⁰ मुला मोका तोरे खिलाफ ई कहै केर है कि तू उइ मेहरारु इजेबेल, केर सीख सह लेत हय जउन अपने का नबिया कहत है, अउर मोरे सेवकन केर मूरत पूजा करब अउर मूरतियन केर चढ़ावा परसाद खाबु, सिखाय कय भरम मा डारत हयं।²¹ हम उइका मौका दिहेव कि तू पछतावा करै मुला ऊ बेभिचार ते पछतावा करै का तैयार नाहीं है।²² हम ऊका रोगी केर बिस्तारा पै पटक देब, अउर वहिके साथ बेभिचार करै वालेन केर। अगर ऊ वहिके कुकरमन ते पछतावा नाहीं करत, घोर कस्ट मा डरबै।²³ हम वहिका लरिकन बालन केर मार डरबूं। ई तरह सब कलीसियन

केर मालूम होय जाई कि हम हिरदय अउर मन केर परखत हयों अउर तोहरे मा ते हर केहू केर वहिके काम केर मुताबिक फल द्याव।²⁴मुला तू थुआतीरा केर बाकी लोगन ते जउन ई सीख केर नाई मनइन अउर सैतान केर गहिया भेदन केर नाहीं जनतिन, मोर कहब है कि तोरे पै हम जादा भार नाहीं डरबै।²⁵हां जउन कुछ तोहरे पास है ओका मोरे आवै तक संयोग केर राखो।

²⁶जउन जीते अउर आखिरी तक हक देवं।

²⁷अउर वह लोहे केर राजदण्ड लिये भये जन पै राज करिहें जा तरियां ते कुम्हार मिट्टी केर बरतन की नाई टूट जइहें। जैसन कि हमहूँ एसने अधिकार अपने बाप ते पाइन है।²⁸अउर हम वहिका भोर का तरई द्यवै।²⁹जेहिके कान होय ऊ सुनि लेय कि आतमा कलीसियन ते का कहत है।

सरदीस केर कलीसिया केर दूतन का लिख

3जेहिके कब्जे मा परमेसुर केर सात आतमा अउर सात तारन हैं, वहिका ई कहब है, हम तोरे काजन ते वाकिफ हैं, तू नाव भरे का जीयत हौ मुला सही मायने मा मरा है।²जागु! जउन खुद तोहरे पास बचा उहौ मोरे बाराबर है, उइका मजबूत बनाव। हम अपने यीसु केर निगाह मा तोरे कउनौ काम केर पूर नाहीं पायो।³याद कर कि तूका कउने तरीके ते गवा उपदेस सुनावा अउर अंगीकार किहा, वहिका पालन कर अउर हिरदय मा बदलाव लाव। अउर तू न जागा तो हम चोर की नाई आइब, अउर तोका पताहु नाहीं चली कि हम कब तोरे पास पहुंचत हयो।

⁴फिर सरदीस मा तोरे इहां कुछ अइसन मनई हैं जउन आपन बस्तर मैल नाहीं किहिन। ऊ उज्जर बस्तर पहिर केर मोरे साथ घूमिहैं, काहे ते कि ऊ सब इह लायक हैं।⁵जउन जीते ऊ यही तरह उज्जर बस्तरन ते सजी। वहिका नाव हम जीवन केर किताब ते कउनो रीति ते नाहीं मिटइब अउर अपने बाप केर सामने अउर वहिके सरगदूतन केर समाने वहिका नाव अंगीकार करबू।⁶जेहिके कान होय ऊ सुन लेय कि आतमा कलीसियन ते का कहत है।

फिलदिलफिया केर कलीसिया

⁷‘फिलदिलफिया केर कलीसिया केर दूत का लिख:’ ‘जउन पवित्र अउर सांच है जेहिके कब्जे मा दाऊद केर कुंजी है, जेहिके खुले पै कउन बन्द नाहीं केर सकत अउर जेहिके बन्द करे पै कउनउ खोल नाहीं सकत, वहिके ई कहत है।⁸हम तोरे काजन ते

वाकिफ हैं। हम तोरे खातिर दुआर खोले हव जेका कउनउ बन्द नाहीं कइ सकी। हम जानत हैं कि तोरे मा थोर केर बल है, ज्यादा नाहीं मुला तबौ तू मोरे सीख केर पालन किये हौ, अउर मोरे नाव केर टुकरायो नाहीं।⁹देख जउन सैतान केर सभाघर केर सदस्य है, जउन अपने आपका यहूदी कहत हैं, हम उन्हें मजबूर करब कि वै आयके तोरे गोड़न पै गिरै अउर जानै कि हम तोसे परेम करत हौं।¹⁰तोने मोरे धीरज केर सीख का पालन किहे हौ, आइसे महूँ आवै वाले परिच्छा केर षड़ी मा, जबकि धरती केर सब रहै वाले परख जइहै, तोर रच्छा करबु।

¹¹मै जल्दी आवत हयों, जउन कुछ तोरे पास है, ओका संभार केर धरौ, अइसन न होय कि कउनो तोर मुकुट तोसे छीन लेय।¹²जउन जीतै, ओका हम अपने परमेसुर केर मंदिर केर खम्भा बनइब अउर फिर ऊ कबहूँ बाहर न जाई। हम उस पै अपने यीसु की ओर ते सरग ते नीचे उतरी, अउर अपनों नवा नाव लिखब।¹³जेहिके कान होय ऊ सुन लेव कि आतमा कलीसियन ते का कहत है।

लोदीकिया केर कलीसिया

¹⁴लोदीकिया की कलीसिया केर दूत का लिख: ‘जउन आमन है, जउन विसवासी, सांचा गवाह, अउर यीसु केर सिरिस्टी केर खास कारन है, वहिका ई कहब है।¹⁵हम तोरे कामन ते वाकिफ हैं, तू न ठंडा हा, न गरम। अच्छा होत कि तू ठंडा होते या गरम।¹⁶हम तुहै अपने मुंह ते उगिल देब काहे ते कि तू न गरम हौ, न ठंडा मुला गुनगुना हौ।¹⁷तू कहत हौ कि तू धनी हौ, समरिद्ध हौ, अउर तुहैं कउन चीज केर कमी नाय आय, मुला तू नाई जानित हौ कि तू अभागा, दयनीय, दरिद्र अन्धा अउर नंगा हौ।¹⁸मोर सलाह है कि मोसे सोना खरीद लेव, जउन आगी मा सुद्ध कय गवा हय। तब तू धनी बनि जाओ। उज्जर बस्तर लै केर पहिरौ कि तोर नंगी लज्जा परकट न होय, अउर अंजन लै केर अपने आंखी मा लगावौ कि देख सकौ।

¹⁹हम जेहिते परेम करत हैं, वहिका डांटित अउर ताड़ना देइत हैं। एसे उतसाही बन अउर हिरदय मा बदलाव लाव।²⁰देख हम दुआरे पै खड़े खटखटावत हौ। अगर कउनो मनई मोर आवाज सुनकै दुआर खोली तौ हम भीतर आयकै वहिके साथ भोजन करब, अउर ऊ मोरे साथ।

²¹जउन जीत जाए, अउर अपने बाप केर साथ वहिके राज गद्दी पै बइठा है। इह तरह जउन जीतै

ओका हम अपने साथ राजगद्दी पै बइठउब।²²जेनके कान होय, ऊ सुन लेय कि आतमा कलीसियन ते का कहत है।

परमेसुर केर सिहासन

4 यहिके बाद हम आखिन केर ऊपर किहेन तो मोहिका सरग मा एक दुआर देखाई परा जउन खुला रहा। जउने मनई का हम पहिले तुरही जइसन बात ते अपने साथ बात करत सुनत रही। ऊ कहत रहा, इहां ऊपर आव, हम तुहें ऊ बात बताइब जेका यहिके बाद पूर होव जरूरी है।²उही समय मोहि पै आतमा उतरा हम देखेन कि सरग मा एक राजगद्दी रखा है अउर राजगद्दी पै कोई विराजत है।³ऊ मनई यूरकान्त अउर रुधिराख्य मनी केर समान देखाई देत है, अउर उह राजगद्दी केर चारों ओर मरकत जइसन मेहधुनरव देखाय परत है।⁴राजगद्दी केर चारो ओर चौबीस राजगद्दी है, अउर राजगद्दी पै चौबीस धरम बुद्ध बइठा हन। ई उज्जर बस्तर पहिरे हैं, अउर उनके मूड़े परि सोने का मुकुट हैं।⁵राजगद्दी ते बिजुरी, सबद अउर गरजन निकरत हैं। राजगद्दी केर समाने सात दिया जरत हैं। ई दिया यीसु केर सात आतमा है।⁶राजगद्दी केर आगे फटिक जइसन कांच की नाई समुंदर है। राजगद्दी केर बीच अउर राजगद्दी केर चारो ओर चार जीवधारी हैं, जेनके आगे पाछे आखें—आंख हैं।⁷पहिला परानी सेर की नाई है, दुसरा बछवा की नाई, तिसरे केर मुख मनई जैसा अउर चउथा उड़त गरुन जइसा।⁸यह चारो परनिन मा हर एक केर छः छः पंख अउर चारों ओर अउर भीतर आखें—आंख हैं। वै दिनों—रात बिना रुके कहत हैं, “सबते जादा सकती वाला परभु परमेसुर, पवित्तर, पवित्तर, पवित्तर है। तें सिरिस्टी केर सुरु मा रहा, ऊ है अउर ऊ आवै वाला है।

⁹जब—जब ई परानी वहिका, जउन राजगद्दी पै विराजमान अउर जुगन—जुगन ते जीयत है, सम्मान अउर बड़ाई करते अउर धन्यवादु देइत।¹⁰तब—तब यी चौबीस पराचीन राजगद्दी पै विराज मान अउर जुगन जुगन जीवता परभु केर सामने गिरकै, बन्दना करत अउर सिंहासन केर समाने गिरकै, बन्दना करत अउर सिंहासन केर समाने आपन मुकुट डारकै ई कहत हइ।

¹¹हे हमार परभु परमेसुर, तू महिमा, बड़ाई अउर सामरथ केर हकदार है, काहे ते कि तुंही सब चीजन केर सिरजनहार है, तोहरे इच्छा ते ही इन्हें आपन पहिचान मिला है तोहरे इच्छा ते उइ अस्तित्व मा

आयो अउर उहिकी सिरिस्टी हुइ हैं अउर ई सिरजी गय हैं।

किताब अउर मेमना

5 तब जउन राजगद्दी पै विराजत है, वहिके दाहिने हाथे मा हम एकु किताब देखेन। उह मा भित्तर—बहरे दूनों अलग लिखा रहा अउर ऊ सात मुहरन लगाय केर बन्द केर गय रही।²हम एक बलवान सरगदूतों देखेन जउन ऊंचइ आवाज मा ई एलान करत रहा ‘ई मुहरन केर तूरइ अउर इह किताब केर खोले के कउन केर सामरथ है।³मुला सरग मा, धरमी पै अउर न धरती केर नीचे निचले लोक म कउनो अइसन मनई नाहीं मिला जउन उइ किताब केर खोल सके या बाचि सकै।⁴इह पै हम फूट—फूट केर रोबै लागयो, काहे ते कि वे किताब केर खोलै या पढ़ै केर लायक कउनो न निकला।⁵तब वइ पराचीन मा ते एक मोसे कहिस, ‘न रोओ। देख तू जउन यहूदा बंस केर सेर है, जउन दाउद केर ऊंचा बंसज है, ऊ जीता है। ऊ हइ किताब केर अउर यहिके सात मुहरन केर खोले मा विजयी भवा है।

⁶अब हम देखेन कि राजगद्दी अउर चार परानिन केर बीच अउर वे पराचीन केर बीच मानों बध किहा एक मेमना खड़ा है। वहिके सात सींग अउर सात आंख हैं। ई यीसु केर सात आतमा हैं, जउन सारी धरती पै भेज गय हैं।⁷वहु करीब आवा अउर आइके राजगद्दी पै विराजे वाले केर दहिने हाथे ते किताब लै लिहिस।⁸वहिके किताब लै लेवे पै उइ चार परानी अउर चौबीस पराचीन मेमने केर सामने गिर गै। ओह मे ते हर एक केर हाथे मा बीना अउर सोने केर बरतन रहा, जउन अच्छी महक वाले धूप देखावे वाली भगतन केर पराथनाएँ हैं जो भरे भय सोने केर कटोर रहय।⁹वइ एक नवा गीत गावत रहेन। ‘हे बधा गय मेमना। तू इह किताब केर गरहन करै अउर यहिके मुहरन केर खोले केर जोग है, काहे ते कि हम आपन बलि दिहेव हय, अउर अपने रक्तन ते यीसु केर खातिर हर एक कुल, आखा देस अउर जाति ते लोगन केर मोल लिहेन।

¹⁰अउर उन्हें हमरे यीसु केर खातिर राज अउर याजक बनाय दिहिस है वह धरती पै राज करिहें।

¹¹तब हम ऊपर देखेन अउर राजगद्दी परानिन अउर पराचीन केर चारो ओर महजूद बहुतन सरगदूतन केर सबद सुनौ। वे लाखन अउर कटोरन केर तादात मा रहें।¹²अउर ऊंच आवाज मा कहत रहै—‘बलि चढ़ावा मेमना सबै दौलत, गियान, ताकत, तारीफ

महिमा अउर बड़ाई केर हकदार है।

¹³इहि तरह हम हर एक जीव केर जउन धरती पै, धरती केर नीचे निचले लोक मा अउर समुन्दर मा है, अउर इह थानन केर सब जीवधारिन केर ई कहत सुना। “जउन राजगद्दी पै विराजत है वहिका अउर मेमना केर सुवागत तारीफ महिमा अउर राज जुगन—जुगन तक रहै।”

¹⁴अउर चारो परानी बोल उठे, ‘आमीन’। पराचीन सास्टांग परनाम किहिन।

मोहरन केर रहस्य

6हम देखेन कि मेमना सात मुहरन मा ते एक खोलिस, अउर हम चार परानिन मा ते एक का गरजन केर आवाज मा कहत सुना, ‘आवा’, अउर ²अचरज मौका एक उज्जर रंग केर घोड़ा दिखाई दिहिस, ओह पै बैठा सवार केर हाथे मा धनुख रहा। ओका एक मुकुट दै गय, अउर ऊ विजयी केर रूप मा जीते खातिर निकर परा।

³जब ऊ दूसर मोहरा खोलिस तब हम दूसरे परानिन केर ई कहत सुना, ‘आ’ ⁴अब एक लाल रंग केर घोड़ा निकरा, वहिके सवार केर ई हक दै गय कि ऊ धरती ते सान्ती हटाय लेय जेते मनई एक दूसरे केर मार डारे लागे। ओका एक बड़ी तलवारु दय गय।

⁵जब ऊ तीसर मोहर खोलिस तब हम तिसरे परानी केर ई कहत सुना, ‘आ’ अउर अचरज! मोका एक करिया रंग केर घोड़ा दिखाई दिहिस। वहिके सवार केर हाथे मा तराजू रहा। ⁶चार परानिन केर बीच ते मानो मोका ई आवाज सुनाई परी, ‘मजूर केर दिन भर केर मजूरी सेर भर गेहूँ। दिन भर केर मजूरी केर मोल तीन सेर जौ मुला तेल अउर अंगूर केर नस्ट न किहौ।

⁷अब ऊ चौथा मोहरा खोलिस तो हम चउथे परानी का ई कहत सुना, ‘आ’। ⁸अउर अचरज! मोका एक पीले रंग केर घोड़ा दिखाई दिहिस। ओके सवार केर गवा रहा मउत। निचला लोक वहिके नकल कर रहा। ओका धरती केर मउके आग पै हक मिला कि तरवार, अकाल, महामारी अउर धरती केर जंगली जानवर केर जरिए मनइन केर मारि डारे।

⁹जब ऊ पांचवी मोहर खोलिस तब हम बेदी केर नीचे उन लोगन केर आतमा देखेन, जउन परमेसुर केर सुभ सँदेस सुनावै केर कारन अउर वहिका साखी देवै केर कारन बलि किया गवा रहा। ¹⁰वई ऊंच आवाज मा पुकारे, ‘हे पवित्तर अउर सांच सामी,

कब तक तू नियाव नाही करिहौ, अउर धरमी केर निवासिन ते कब तक हमरे रकत केर बदला नाही लेबा? ¹¹उह मा ते हरेक का उज्जर बस्तर मिला अउर उनसे कह गवा, ‘तनिक देरि अउर आराम करत जा जब तक तोहरे साथी सेवकन अउर भाइयन केर तादाद पूरी न होइ जाय, जउन तोहरी तरह मारा जाय वाला हैं।’

¹²जब ऊ छठवीं मोहर खोलिस तब हम देखेन कि डरावनी, भुइडोल आय, सूरज कम्मर जइसन करिया परि गय, पूरा चँदरमा रकत जइसन लाल होइ गय। ¹³अउर अकास केर तरई धरती पै गिर परिन, जइसे आँधी केर चलै पै अंजीर केर कच्चा फर झरि जात है। ¹⁴लपेटा बस्तर की नाई अकास विलीन होइ गय। परबत अउर दीप अपने अपने ठीउर हट गए।

¹⁵तब धरती केर सहनसाह, बड़े—बड़े लोग, अउर फौजन केर मालिक, धनवान अउर ताकतवर, गुलाम अउर आजाद सब केर सब गुफा अउर पहारुन केर चट्टान की आड़ मा जाय छिपे। ¹⁶अउर पहारुन अउर चट्टान ते ई कहै लागि, ‘हमरे ऊपर गिरौ अउर हमें छिपाय लेव। राज गद्दी पै विराजे वाले केर सामने पड़े ते मेमना केर परकोप से, हमार रच्छा करौ। ¹⁷काहे ते कि वहिके परकोप केर डरावनी दिन आय गय है। अब वहिके सामने कउन ठहर सकत है।

एक लाख चोवालीस हजार मोहर

7यहिके बाद हम देखेन कि चार दूत धरती केर चारो कोने पर खड़ा होइके धरती केर चारो बयार थामे हैं जैसे धरती समुन्दर य कउनो पेड़ पै कउनो हवा न बहै। ²हम एक दूसरे दूत का सूरज उदय होय वाले दिसा ते उठत देखेन वहिके पास जीवन यीसु केर मोहर रही। ऊ वै चारों दूतन ते, जेन्हें धरती अउर समुन्दर केर नुकसान पहुचावै केर हक दिहा गया रहा, ऊंच आवाज मा पुकार केर कहा। ³जब तक हम अपने यीसु केर सेवकन ललाट पै मोहर न लगाय देयं, तब तक तू धरती, समुन्दर अउर पेड़न केर कउनउ नुकसान न पहुँचायी। ⁴तब हम उन लोगन केर तादात सुनेन जिनपै मोहर लगाय गय वइ एक लाख चौबीस हजार रहिन। वे इसरायलियन केर हरेक कुल ते लिख गय रहैं।

⁵यहूदा केर कुल ते लोगन पे मोहर लगी। रुबेन केर कुल ते बारह हजार लोगन पै। गाद केर कुल ते बारह हजार लोगन पै।

⁶आसेर केर कुल ते बारह हजार लोगन पै। नप्ताली केर कुल ते बारह हजार लोगन पै। मनससै केर कुल

ते बारह हजार लोगन पै।

⁷सिमोन केर कुल ते बारह हजार लोगन पै। लेबी केर कुल ते बारह हजार लोगन पै। इसाकार केर कुल ते बारह हजार लोगन पै।

⁸जबूलून केर कुल ते बारह हजार लोगन पै। यूसुफ केर कुल ते बारह हजार लोगन पै। विन्यामिन केर कुल ते बारह हजार लोगन पै मोहर लगी।

सफेद चोगी मा भीड़

⁹यहिके बाद हम देखेन तो मोका हरेक कौम, कुल देस अउर आखा केर एक बड़ी भीड़ दिखाई परा, जेकर गिनती कउनो नाहीं केर सकत है। वै राजगद्दी अउर मेमना केर सामने खड़ा रहिन। वै उज्जर बस्तर पहिरे अउर हाथे मा खजूर केर डारी लिहे रहिन। ¹⁰अउर ऊंच आवाज मा जय—जयकार करत रहिन, ‘राजगद्दी पै बैठे हमार परमेसुर अउर मेमना केर जय।’

¹¹राजगद्दी, धरम बृद्धन अउर चार परानिन केर चारों ओर सब सरग दूत खड़ा होइ गइन। वै राजगद्दी केर सामने मुंह केर बल गिर केर परमेसुर केर बन्दना करै लागि, ¹²‘आमीन!’ हमरे परमेसुर केर सुवागत, महिमा अउर गियान, धन्यवादु अउर आदर, सामरथ अउर सकती जुगन होय! आमीन’

¹³यहिके बाद एक पराचीन मोसे पूछिस, ‘ई उज्जर कपड़ा पहिरे केर है अउर कहां ते आये है?’

¹⁴हम जवाब दिहिन, ‘स्वामी ई आपै जानत हौ, ऊ मोते कहिस, ई ऊ लोग है जउन घोर दुःख सहिके आय है। ये मेमना केर रक्त मा अपने कपड़न केर आय केर उज्जर किहे है। ¹⁵यही कारन ते परमेसुर केर राजगद्दी केर सामने रहत अउर दिनों रात वहिके मंदिर मा वहिका पूजा करत है। ऊजन राजगद्दी पै विराजत है। ऊ सदा उनपै आपन छतर—छाया करिहै। ¹⁶ई फिर भूखा अउर पियास नाहीं होइहै, अउर न ओन्हें कउनो सूरज या दूसरे तरह केर गरमी सताई, ¹⁷काहे ते कि मेमना, जउन राजगद्दी पै हय, ऊ केर भेसपाल होई, अउर उनका जीवन जल केर झरनन केर पास लै जाई, अउर परमेसुर उनकेर आंखिन ते सब आंसू पोछ डारी।’

सतइ मुहर अउर सुनहरा पातर

8जब मेमना सातवां मोहर खोलिस तब सरग मा आधा घंटा तक सन्नाटा छाया रहा।

²अब हम सात सरगदूत देखेन जउन परमेसुर केर सामने खड़ा रहत है। उनके सात तुरही दइ गयन।

³एक दूसर सरग दूत आय अउर सोने क धूप दान लिये वेदी केर पास खड़ा होय गय। ओका काफी मात्रा मा धूप दय गय कि ऊ राजगद्दी केर सामने रखे सोन केर बेदी पै सब भगतन केर पराथना केर साथ ओका चढ़ावै। ⁴सरगदूत केर हाथे ते धूप केर धुंआ भगतन केर पराथना केर साथ परमेसुर केर सामने ऊपर पहुँचा। ⁵तब सरगदूत धूपदान लिहिस अउर ओका वेदी केर आग ते भरकै धरती पै डार दिहिस। गरजना, आवाज, बिजुरी केर चमक अउर भूडोल होय लाग।

तुरही

⁶अब वै सात सरगदूत जेहिके पास सात तुरहिन रही ओके फूके खातिर तैयार भए।

⁷पहिला तुरही फूकिस तौ खूल मिला ओला अउर आग केर बराखा धरती पै भय। ऐसे धरती केर तिसरा हिस्सा भसम होइ गय अउर अब हरी—हरी घासें भी भसम होइ गय।

⁸दूसर सरग दूत तुरही फूकिस तो आग ते जरत एक बड़ा परबत जइसा सागर मा फेंक गय। ऐसे समुन्दर केर तिहाई जीवधारी मरि गए ⁹अउर समुन्दर केर तिहाई सिरजी बस्तुन जउन सजीव रही मरि गए अउर एक तिहाई पानी केर जहाज नस्ट होइ गए।

¹⁰तिसरे सरगदूत तुरही फूकिस तौ दीया की नाई जरत एक बड़ा तारा आकास ते टूटा अउर दुनिया केर तिहावा हिस्सा पै अउर झरनन पै आय गिरा। ¹¹ई तारा नागदौना कहा जात है। ऐसे पानी केर तिहावा हिस्सा नागदौना की तरह कडुवा होइ गय अउर पानी केर कडुवे होइ जाय ते बहुत मनइन केर मउत होई गय।

¹²चउथा सरगदूत तुरही फूकिस तौ सरग का तिहावा हिस्सा अउर तारन केर तिहावा हिस्सा पै परहार भये, इहां तक कि ओनके तिहावा हिस्सा अधियारे मा डूब गय। दिन के एक तिहावा हिस्सा मा परकास नाहीं होत रहा अउर रातों केर इहै दसा रहा।

¹³ओका अब बीच अकास मा उड़त एक गरुड़ (पच्छी) दिखाई दिहिस जउन ऊंच आवाज मा कहत रहा, ‘दुख’। धरतीवासिन, तुरहिन केर बाकी आवाजन केर कारन, जेन्हें तीन सरगदूत फूकै वाला है, तोहरे लिए हाय, हाय, हाय!

9पांचवां सरगदूत तुरही फूकिस तौ मोका सरग ते धरती पै गिरा एक तारा दिखाई दिहिस। ओका बहुत गहिर कुंड दै गय। ²जइसे ऊ बहुत गहिर कुंड खोल दिहिस। वहै कुंड ते बड़ी भट्टी की तरह धुंआ

निकरा जैसे सूरज अउर आकास अधियारे मा डूबि गय। ³यह धूआ ते टिड्डी निकरि केर धरती पै बिच्छियन क होत है। ⁴उनका हुकुम मिला कि धरती केर घास का, हरियारी का, अउर कउनो बिरवा केर नुकसान न पहुँचावै। मुला खाली ऊ मनइन केर जिनके ललाट पै परमेसुर केर मोहर नाई है, नुकसान पहुँचावै। ⁵उन्हें लोगन केर मार डारै का तो नाहीं मुला पांच महीना तक घोर कस्ट देवे का हक मिला। वह अइसन कस्ट दे सकत रहीं जइसन विच्छी केर डंक मारे ते मनई केर होत है। ⁶मनई वहै दिनन मउत केर दूढ़िहैं मुला ऊ उन्हें नाहीं मिली वइ मरै खातिर लालाइत रहिहैं। मुला मउत उनते दूर भागी।

⁷इह टिड्डिन केर आकार जुद्ध केर खातिर तैयार घोड़न जैसन रही, उनके सिर पै सोने केर मुकुट केर नाई कुछ रहा, अउर उनके मुंह मनइन जइसन रहा। ⁸ओनके बाल मेहरारुन केर बाल जइसन रहा अउर ओनके दांत सेरन केर दांत की नाई रहा। ⁹उनके कवच लौह कवच जइसन रहा, अउर ओनके पंख ते अइसन आवाज होत रही मानों जुद्ध मा कई घोड़न वाले रथ दौड़त होयें। ¹⁰ओनके पूछ बिच्छियन जइसी रही जेहमें डंक रहा अउर ऊ पूछन मा लोगन केर पांच महीना तक पीरा देय केर सकती रही।

¹¹बहुत गहिर कुंड केर दूत ओनके राजा हैं, इबरानी, भासा मा उनके नाव अबधोन है अउर यूनानी मं अपल्लमोन।

¹²पहली विपत्ति बीति गय। दुइ विपत्ति अउर आवै वाली हय।

¹³छठवां सरगदूत, तुरही फूकिस, तो परमेसुर केर सामने रखा सोने केर वेदी केर चार सींगन ते निकरी एक बानी सुना। ¹⁴ऊ तुरही धारी छठवें दूत ते कहिस, फ़रात महानदी पै बंधा चारो दूतन केर मुक्त कर देय। ¹⁵एसे ऊ चारों दूत मुक्त होइ गइन, जउन मनई जात केर तिहावा हिस्सा केर नस्ट करै का वही घरी, दिन, महीना, अउर बरस की खातिर तैयार किहा गय रहिन। ¹⁶फ़ौज मा घुड़सवारन केर तादात बीस करोर रहा, हम ओनके ई तादात सुनो।

¹⁷मोका वे दरसन मा इह तरह केर घोड़ा अउर घुड़सवार देखाई दिहिन, ओनके कवच आग घूमकान्त अउर गंधक रंग केर रहिन, घोड़ा केर सिर सेरन केर सिर की नाई रहिन अउर ओनके मुंह ते आग, धुआं अउर गंधक निकरत रहिन। ¹⁸ई तीन विपत्तिन ते यानी ओनके मुंह ते निकरा आग, धुआं अउर गंधक ते मानुस जाति केर तिहावा हिस्सा नस्ट होय गय।

¹⁹वइ घोड़न केर सकती उनके मुंह अउर पूछ मा है, ओनके पूछ सांपन की नाई अउर सिरवाली है। वह इनहीं ते पीए पहुँचत हिन।

²⁰फिर बाकी मनइन, जउन इ विपत्तिन ते नाहीं भरा रहिन, अपने हाथे ते रची चीजन ते मन नाहीं हटाइन। वै भूत परेतिन अउर सोना, चांदी, पीतर, पाथर अउर काठ केर मूरतिन केर पूजा करब नाहीं छोड़िन, जउन न तो कुछ देख सकत हिन, न सुन सकत अउर न चल फिर सकत हिन। ²¹वइ अपने कतल जादू टोना, अनाचार बेभिचार अउर चोरियन ते भी पछतावा नाहीं किहिन।

सरगदूत अउर छोटी किताब

10 अब मौका एक दूसर महा सरगदूत सरग ते उतरत देखाई दिहिस ऊ बाद ते ढंका रहा। वहिका सिर बादर धनुस ते सोहत रहा। वहिका मुंह सूरज की नाई रहा, अउर वहिका चरन आगिन खंभा की नाई रहिन। ²वहिके हाथे मा एक खुली किताब रही। ऊ आपन दायां चरन समुन्दर मा अउर बायां चरन धरती पै रख केर ³सेर केर गरजन की नाई डरावनी गरजन किहिस। ई गरजन केर सुनिकै सातों मेघ आपन—आपन गरजन करै लाग। ⁴जब सातों मेघ गरजन केर गरजना खतम होइ गय तब हम ओका लिखै खातिर तैयार भयो, मुला मोका सरग ते बानी सुनाई दिहिस सातों मेघ गरजन केर गरजना केर गुप्त राखौ, अउर ओका न लिखौ।

⁵तब वइ सरग दूत ने जेका हम समुन्दर अउर धरती पै खड़ा देखे रहें आपन दहिना हाथ सरग की ओर उठाइस। ⁶अउर जउन जुगन—जुगन तक जीयत है अउर सरग अउर वहिका सब चीजन, धरती अउर वहिका सब चीजन अउर समुन्दर अउर वहिके सब चीजन केर बनावै वाला है, वहिका कसम खाय केर कहिस 'अब देरी नाहीं'। ⁷मुला जेह दिन सतवां सरगदूत आपन तुरही फूकी, परमेसुर केर गुप्त योजना पूर होइ जाई, जेकर सुभ सँदेस ऊ अपने सेवक नबियन केर दिहे रहा।

⁸तब सरग ते आवै वाली बानी, जउन हम पहले सुनेन रहै, मोसे फिर कहिस, 'जा, जउन सरगदूत समुन्दर अउर धरती पै खड़ा है, वहिके हाथे ते खुली किताब लै लेव'।

⁹हम उइ सरगदूत केर लगे जायके कहा, हमका किताब देव। ऊ कहिस, 'ईका लेव अउर खाय डारो ई तुहरे पेट केर करु करी, मुला तोहरे मुंह मा मधु की नाई मीठ लागी'। ¹⁰हम सरगदूत केर हाथे ते किताब

लैके खाय गयो। ऊ मोरे मुंह मा मीठ लाग, मुला जब हम ओका खाय गयो, तब मोर पेट करुआ होय गयो।¹¹तब मोसे कहि गयो, 'तोका फिर बहुत देसन, कौमन, भासाओ अउर राजाओं के बरे मा भविसवानी करै केर परी।

परमेसुर केर दुइ गवाह

11 यहिके बाद कउनो ओका नापे खातिर सरकन्डा दिहिस, अउर मोते कहिस, 'उठ परमेसुर केर मंदिर अउर बेदी केर नाव अउर ओहिमा स्तूती करै वालन केर गिनती कर।²मुला मंदिर केर बहरे वाला अंगना छोड़ दिहो, ओका न नाटयो काहे ते कि ऊ दुसरे जातिया केर दिहा गयो है, जउन केर पवित्तर सहर केर बयालिस महीना तक रौंदि है।³हम अपने दुइ गवाहन केर तैना करबु कि वै टाट पहिर केर एक जहार दुइ सौ साठ दिन तक नबूवत करै।⁴उइ गवाह जैतून केर दुइ पेड़ अउर दीपाघर है, जउन धरती केर मालिक केर सामने खड़ा रहत हन।⁵अउर कउनो ओन्हे नुकसान पहुंचाई चाह तो ओनके मुख ते आग निकरि केर उनके दुसमन केर भसम कय देई। अगर कउनो उन्हे नुकसान पहुंचावै चाही तो वहिका ई तरह विनास निकसत आय।⁶उन्हे एक बाप कि आकास केर झरोखन केर बन्द कय देय, जैसे उनके नबूवत केर दिनन मा बरखा न होय। उन्ते इहो हक है कि ऊ पानी केर खून मा बदल देय अउर जेतनी बार चाहै, धरती पै हर तरह केर बिपत भेजै।

⁷जब गवाह आपन गवाही दै चुकिहैं तब जानवर गहिरे कुंड ते निकरी इनते लराई करी अउर इनपै विजय पाय केर एन्हें मार डारी।⁸एनके लास वै बड़े सहर केर चौक मा परा रहिहैं, जउन अध्यात्म केर भासा मै सदोम अउर मिसर कहा जात है अउर जहां एनके परभु खुद क्रूस पै चढ़उवा गय रहिन।⁹सब देसन, कुलन, भासन अउर कौमन केर लोग साढ़े तीन दिन तक ओनके लोथन केर देखत रहिहैं, मुला ओनके लासन केर कबर मा नाहीं धरे देइहैं।¹⁰धरती केर बासी ओनके मउत ते खुस होइके खुसी मनइहैं अउर एक दुसरे केर भेंट देइहैं, काहे ते कि ये दूनो नबियन धरती केर वासियन केर घोर कस्ट पहुंचाए रहिन।

¹¹मुला साढ़े तीन दिन बाद परमेसुर की ओर ते जिनगी केर सांस ओह मा घुसा। वै अपने पांव पै खड़ा होइ गइन जैसे ओनके देखै वालन पै घोर भय छाव गयो।¹²तब ओनहें अकास से एक ऊंच आवाज सुनाई परा, 'इहं उप्पर आव' अउर ऊ बादर पै

चढ़िकै अपने दुसमनन केर देखत देखत अकास केर चला गइन।

¹³वही दिन एक भुइंडोल आय अउर सहर केर दसवां हिस्सा बरबाद होइ गयो। वइ भुइंडोल ते सात हजार मनई मरि गए अउर बाकी डरकै सरग केर परमेसुर केर महिमा करै लागिन।

¹⁴दूसर विपत्ति बीत गइ, तीसर जल्दी आवत है।

सतई तुरही

¹⁵सतवां सरगदूत तुरही फूंकिस, एसे अकास मे तेज ते आवाज होय लाग, अउर ऊ सुनाय परा — 'दुनिया केर राज हमरे परभु अउर वहिके मसीह केर होइ गयो। तू जुगन—जुगन तक राज करी।'

¹⁶तब चउबीस पराचीन, जउन परमेसुर केर समाने राजगद्दी पै बैठत हैं, मुंह केर बल गिरा अउर परमेसुर केर बन्दना करै लागे।

¹⁷हे सबसक्तिमान परभु परमेसुर, तू हय, अउर सिरिस्टी केर सुरु मा तू रहा। हम तोहे धनवाद देइत हैं। काहे ते कि अपने बड़े सामरथ केर कामरूप मा बदल दिहयो। अउर अब राज करै लागै हय।

¹⁸जातियन विरोध केर रहिन। मुला, अब तोरे परकोप केर अवाई भय है, समय आय पहुंचा है कि मृतकन केर नियाव होय, तोर सेवा करै वालन नबियन, पवित्तर लोग अउर तोरे नाव केर भय माने वालन छोटन अउर बड़न केर इनाम मिलै, अउर धरती केर नस्ट करै वालेन दुस्टन केर नास होइ जाय।

¹⁹अब सरग मा मौजूद परमेसुर केर मंदिर खुल गयो अउर वह मंदिर मा बाचा केर पिटारी देखाई दिहिस। बिजरी चमकै लाग। आवाज, गरजना अउर भुइंडोल, भय अउर बड़ा—बड़ा ओला गिरै लाग।

मेहरारु अउर अजगर

12 यहिके बाद आकास मा एक बड़ा निसान दिखाई परा, सूरज केर बस्तर पहिरे एक मेहरारु, जेहिके चरनन केर नीचे चँदरमा रहा अउर सिर पै बारह तारन केर मुकुट रहा।²वहिका पांव भारी रहा। ऊ परसव पीड़ा ते चिल्लात अउर बच्चा केर जनम देय खातिर तड़प रही।³अकास मे एक दूसर निसानों देखाई परा, लाल रंग केर एक बड़ा अजगर जेहिके सात सिर अउर दस सींग रहा। वहिके सिरन पै सात मुकुट रहा।⁴वहिके पूंछ आकास केर एक तिहाई तारन केर बाहर केर धरती पै फेंक दिहिस ऊ अजगर ऊ परसव ते बेहाल मेहरारु केर सामने

खड़ा भय कि जइसने बच्चा का जनम होय, ऊ वह बच्चा केर लील जाय।⁵मेहरारु एक बेटवा केर जनम दिहिस, जउन लोह दंड ते सब कौमन पै राज करी। मुला ऊ बच्चा परमेसुर केर इहां, वहिके राजगद्दी केर पास पहुंचाय दिया गय।⁶तब ऊ मेहरारु सुनसान परदेस केर ओर भागी, जहां परमेसुर की ओर ते वहिके खातिर जगह तैयार रहा कि वह एक हजार दुइ सौ साठ दिन तक वहिका देखे भाल कर जाय।

⁷अब सरग मा लड़ाई सुरु होइ गइ। मीकाएल अपने दूतन केर साथ अजगर केर खिलाफ लड़ाई करै लाग अजगर अउर वहिके दूतन लड़ाई किहिन।⁸मुला वै हार गइ अउर फिर ओन्हे सरग मा जगह नाहीं मिला।⁹तब ऊ भयावह अजगर ऊ पुरान सांप जउन दोस लगावै वाला सैतान कहा जात है अउर दुनियां भर केर भरमावत रहत है, धरती पै फेंक दीनि गवा।

¹⁰तब हम सरग ते एक बानी सुन्यो। केहू ऊंच आवाज मा कहिस। अब हमरे परमेसुर केर उद्धार, सामरथ अउर राज, अउर वहिके मसीह केर हक परगट भए। जउन सैतान हमरे भाइयन पै दोस लगावत, अउर रात दिन परमेसुर केर सामने ओनके खिलाफ इल्जाम खड़ा करत रहा, ऊ नीचे फेंक दीनि गवा।

¹¹उइ लोग मेमना केर रकत केर कारन, अउर अपने साखी केर बचन केर कारन ओह पै विजयी भय है, काहे ते कि वै अपने परानो केर मोह नाहीं किहिन यहां तक कि मरे का मंजूर कय लिहिन।

¹²यह कारन, ऊ सरगन अउर सरग मे रहे वाले खुसी मनावा। मुला धरती अउर समुन्दर तोहरे खातिर सोक। काहे ते कि सैतान काफ़ी गुस्साय केर तोहरे पास आय है, अउर ऊ जानत है कि वहिके पास समय थोर और बचा है।

¹³अब अजगर देखिस कि ऊ धरती पै फेंक दिया गय है वे मेहरारु केर सातवें लाग जैसे बच्चा पैदा भय रहा।¹⁴मुला वह मेहरारु केर बड़े बाज केर दुइ पखना मिला, जैसे ऊ अजगर केर सामने ते सुनसान परदेस मा अपने जगह केर उड़ि जाय जहां साढ़े तीन साल तक वहिका देखेभाल कइ जाय।¹⁵अब अजगर वै मेहरारु केर पीछे अपने मुंह ते नदी केर नाई बानी केर आस छेड़िस कि ओका धार मा बहाय लै जाय।

¹⁶मुला धरती वै मेहरारु केर मदद किहिस अउर ऊ वै नदी केर जउन अजगर केर मुंह बँधी रही, मुंह केर पी गय।¹⁷तब अजगर उइ मेहरारु पै बहुत गुस्सा भय, अउर वहिके बाकी सनतान ते, जउन परमेसुर केर आग्या मानत है अउर यीसु केर बारे मा दिया साखी पै अटल है, जुद्ध करै निकरा। अउर समुन्दर

केर बालू पै जाय खड़ा भय।

समुन्दर ते एक पसु

13 तब हम देखे कि समुन्दर ते एक पसु निकरा जेहिके दस सींग अउर सात मूड़ रहा। वहिके सींगन पै दस मुकुट अउर हर एक पर परमेसुर केर खिलाफ बुरे सबद लिखे रहे।²ई पसु, जउन मोका देखाई दिहिस

, चीता की नाई रहा। वहिका पांव भालू की नाई रहा अउर वहिका मुँह सेर जइसन रहा। ओका अजगर बल, आपन राजगद्दी अउर आपन बड़ा हक दिहिस।³हमहू वहिकी सिंगन मा ते एक सिंग पै ऐस भारी घाव लाग देखेन, मानौ उ मरिवे पै हय। फिर वहिकी परानघातक घाव अच्छा हय गय अउर सगरी धरती केर मनई अउर पसु वहिकी पीछे पीछे अचरज करत भय चलत लगे।⁴मनई अजगर केर पूजा, किहिन, काहे ते ऊ पसु केर हक दिहे रहा। वे पसुन केर पूजा किहिन काहे ते ऊ पसु केर हक दिहे रहा। वे पसुन केर पूजा किहिन अउर कहिन, ई पसु केर नाई कउन है?

⁵यहिके साथ कउन लरि सकत है। वहिका अइसन जीभ मिला रहा कि जउन बड़ि बड़िके बात करत अउर परमेसुर केर निन्दा करत रही। बयालिस महीना तक ओका आपन काम करै का हक रहा।⁶ऊ परमेसुर केर निन्दा करै खातिर मुंह खोलिस बाकी ऊ वहिके नाव अउर वहिके सिंगन यानी सरग वासियन केर खिलाफ निन्दा केर सब्द कहिस।⁷ओका पवित्र लोग केर साथ लड़ै अउर उन पै विजय पावै केर जीत मिली रही, अउर सब कुलन, देसन आखन अउर कौमन पै हक मिला।⁸यीसु अउर घरी केर वै सब बासी जेनके नाव सिरिस्टी केर सुरु ते वइ मेमना केर जिन्दगी केर किताब मा नाहीं लिखा है, जउन बलि भय रहा। इस पसु केर पूजा करिहै।

⁹जेहिके कान होय ऊ सुनि लेय।

¹⁰जेका बन्दी होयका है ओका बन्दी होय का परी अउर जउन तलवारु ते केहू केर बध करी, ऊ तलवारु ते बधा जाई। इहै पवित्र लोग केर विसवासु अउर सबुर केर परिच्छा केर मौका है।

धरती ते एक पसु

¹¹फिर हम देखेन कि धरती ते एक अउर पसु निकरा। वहिके मेमना की नाई दुइ सींग रहा अउर ऊ अजगर की नाई बोलत रहा।¹²ऊ पहिले पसु केर मौजूदगी मा वहिका सब हक काम मा लावत रहा अउर धरती अउर वहिके बासिन ते वइ पहिले पसु

कै, जेकर गहिर घाव अच्छा होइ गय रहा, पूजा करवावत रहा। ¹³ऊ बड़ा—बड़ा चमत्कार देखाइस इहां तक कि लोगन के सामने अकास ते धरती पै आग बरसाइस। ¹⁴इह चमत्कारन ते जेन्हे पसु केर सामने देखावै केर ओका सक्ती मिली है, ऊ धरती बासिन केर पथ भरस्टकरत है। ऊ कहत है, पसु केर मूर्ति स्थापित कर, वह पसु केर जेह पै तरवार केर परहार भय रहा अउर येह पै जिन्दा है। ¹⁵वहिका पसु केर मूर्ति मा परान डरे केर हक मिला जैसे पसु केर मूर्ति बोले लागा। ओका ई हक भी मिला कि जउन पसु केर मूर्ति केर पूजा न करै ऊ उनके मरवाय डारे। ¹⁶ऊ छोट्टा—बड़ा, अमीर—गरीब, सुतन्त्र अउर गुलाम सबकै दाएं हाथ मा ललाट पै छाप लगवावै केर विवस करत है। ¹⁷अउर जउन मनई पसु केर नाव केर या वहिके नाव केर गिनती केर छाप नाहीं लेत, ऊ लेन देन नाहीं केर सकत।

¹⁸बुद्धिमानी यही मा है कि जेका समझ है ऊ कउनो मनई केर नाव केर गिनती है। ई गिनती छः सौ छियासठ है।

मेमना अउर एक लाख चौवालिस हजार

14 फिर हम निगाह डारेन तो का देखत हैं, कि मेमना सियोन परबत पे खड़ा है, अउर वहिके साथे एक लाख चौवालिस हजार मनई हैं अउर हर एक मनई केर माथे पै मेमना केर नाव अउर परमेसुर बाप केर नाव लिखा है। ²यहिके बाद हम सरग ते अपार पानी अउर घोर गरजन की नाई आवाज सुनेन। ई आवाज जउन हम सुनेन, ए अइसन मालूम होत रहा मानो बीना बजवैया बीना बजावत होय। ³वे मनई राजगद्दी केर समाने चार परानिन केर सामने अउर पराचीनय केर समाने मानों नवा गीत गावत रहिन। वे एक लाख चौवालिस हजार मनईन केर अलावा जउन धरती पै ते मोल ले गय रहिन, कउनो वू गीत नाहीं सीख सकत रहा। ⁴ई लोग उहै हैं जउन कब्बो मेहारून ते कलुसित नाहीं भइन, मुला कुआरा हैं। जहां कहुं मेमना जात है, वइ वहिके पाछे—पाछे चलत हैं। ई परमेसुर अउर वहिके मेमना केर सबसे पहिले पै जइहैं। ई मनइन मा ते मोल लै गय हैं। ⁵ई निरदोस है, अइसे इनके मुंह ते कब्बो झूठ नाहीं निकरा।

तीन सरग दूतन

⁶तब हम एक अउर सरगदूत देखेन जउन बीच अकास मा उड़त रहा। वहिके पास सब धरती बासिन

खातिर, हर एक जाति, कुल, भासा अउर देस खातिर बराबर सुभ संदेस रहा। ⁷ऊ ऊंच आवाज मा कहत रहा, परमेसुर केर भय मानो अउर वहिका पूजा करो, काहे ते कि वहिके नियाव करै का समय आय गय है सरग अउर धरती, समुन्दर अउर पानी केर सोतन केर रचै वाले केर बन्दना करो। ⁸तब ओते अलग एक दूसर सरगदूत आय। ऊ कहिस, 'पतन होइ गय।' वे बेबी लोन महानगरी केर, जउन आपन मूरत पूजा केर मादक मदिरा ते सब कौमन केर मतवाला केर दिहै रहा, पतन होइ गय।

⁹फिर एक तीसर सरगदूत आय। ऊ ऊंच आवाज मा कहिस, 'अगर कउनो मनई पसु केर अउर वहिके मूरत केर पूजा करी अउर अपने माथे पै या हाथे पै वहिका छाप लगवाई। ¹⁰तो ओका परमेसुर केर किरोध केर निखलिस मदिरा पीये केर परी जउन वहिके कोप—पात्र मा डारि गवा है। ऊ पवितर सरग दूतन अउर मेमना केर सामने आग अउर गंधक मा घोर यातना भोगी। ¹¹जउन लोग पसु अउर वहिके मूरति केर पूजा करत अउर वहिके नाव केर छप लगावत हय ओनके यातना केर धुंआ जुगन—जुगन तक उड़त रही अउर उन्हे दिन राति कब्बो चैन नाही मिली। ¹²ई पवितर लोगन केर धीरज धरै केर मौका है। ऊ भगतन केर परिच्छा केर समय है, जउन परमेसुर केर आग्या मानत अउर यीसु पै विसवासु करत हैं।

¹³तब ओका सरग ते ई बानी सुनाई परी, लिख अब तू धन्य हइ वे मिरतक जउन परभु केर विसवास मे मरत हिन। आतमा केर कहब है ओनके काम ओनके पीछे चलत हिन। एसे बंस क ओन्हे अपने कठोर मेहनत ते आराम मिली।

धरती केर तैयार फसल

¹⁴फिर हम निगाह डारेन तो का देखत हौं कि एक उज्जर बादर है अउर वइ बदरे पै मनई पूत की नाई कउनो बइठा है। वहिके मूड़ पै सोने केर मुकुट अउर वहिके हाथे मा एक तेज हँसिया है। ¹⁵तब एक सरगदूत मंदिर ते निकरा अउर बादर पै सवार मनई ते ऊंचे आवाज मा बोलिस, 'आपन हँसिया उठाउ अउर फसल काट, काहे ते कि धरती केर खेत पक चुका है अउर फसल काटै केर समय आय गवा है। ¹⁶इह पै बादर पै सवार मनई आपन हँसिया धरती पै घुमाइस अउर धरती केर फसल कट गय।

¹⁷अब सरग केर मंदिर ते एक दूसर सरगदूत निकरा वहिके पासो एक तेज हँसिया रहा। ¹⁸यहिके

¹⁷तब सातवां दूत आपन कटोरा हवा पै उड़ेल दिहिस। यहि पै मंदिर केर राजगद्दी ते बहुत ऊंच आवाज मा ई सुनाय परा, 'खतम भय'। ¹⁸तब बिजुरी चमकी, आवाज अउर गरजन भय अउर भयंकर भुंड़ोल आय जइसन कि धरती पै, मनई केर जनम ते लैके अब तक कब्बो नाय आय रहा। अइसन डरावनी रहा ऊ भुंड़ोल। ¹⁹ओसे महानगरी केर तीन भाग होइ गय अउर कई देसन केर अबाद नगर खंडहर होइ गइन। तब परमेसुर केर बेबीलोन केर धियान आय अउर ऊ ओका अपने महा क्रोध केर मदिरा केर पियाला पीये केर बेबस किहिस। ²⁰अब सगरो दीप पलायन कइ गै अउर पहारन तक केर पता नाई लाग। ²¹अकास ते मन—मन भर केर बड़ा ओला मनईन पै गिरे लागिन। ओलन केर येह विपत्ति केर कारन लोगन परमेसुर केर निन्दा करै लागिन काहे ते कि ई बीपत बहुत गरु रही।

ओरत अउर पसु

17जउन सात सरगदतन केर पास सात कटोरा रहिन, ओह मा ते एक आय केर मोसे कहिस, 'एहर आव'। हम तोका देखउवै कि वह बेसवा का दंड मिली जउन समुन्दर पै बइठी है। ²जेहिके साथे धरती केर राजन बेभिचार किहिन है अउर जेहिके बेभिचार केर मदिरा ते धरती केर बासी मस्त होइ गएन।

³ऊ मोका आतमा मा निरजन परदेस की ओर लै गय। वहां एक मेहरारु केर लोहित रंग केर पसु पै बइठा देखेन। ऊ पसु परमेसुर केर खातिन निन्दा भरा नामन ते भरा रहा अउर वहिके सात सिर अउर दस सींग रहिन। ⁴ऊ मेहरारु बैंगनी अउर सेनुर रंग केर कपड़ा पहिरे रही अउर सोना रतन अउर मोतिन ते लदी रही। वहिके हाथे मा एक सोने केर कटोरा रहा, जउन अपवित्त चोजन अउर बेभिचार केर असुद्धता ते भरा रहा। ⁵अउर वहिके माथे पै ई रहस्यमय नाव लिखा रहा, "महानगरी बेबीलोन, धरती केर रडियन अउर धिरनित चीजन केर महतारी"।

⁶हम देखेन कि ऊ मेहरारु भगतन केर अउर यीसु केर गवाही देय वालन केर रक्त पी केर मतवाली होत है। हम ओका देख केर अचरज ते भरि गयो। ⁷तब ऊ सरगदूत मोसे कहिस, 'तू अचरज मा काहे परत हय? हम तोका येह मेहरारु केर रहस्य बतावत हयो, अउर वइ पसु केर जउन वहिका सवारी है अउर जेहिके सात मूंड अउर दस सींग हैं। ⁸तू जउने पसु केर देखेन, वू रहा मुला अब नाहीं है, ऊ ऊ

गहिर कुंड ते निकरे वाला है, मुला वहिका नास तय है। धरती केर बासी, जेनके नाव सिरिस्टी केर सुरु ते जिन्दगी किताब मा नाहीं लिखा है, ये पसु केर देखेहैं अउर अचरज करिहैं, काहे ते कि ई रहा, अब नाहीं रहा अउर फिर आगे आने वाला है।

⁹येका समझे खातिर विवेक भरा बुद्धि केर जरूरत है। 'सात मूंड, सात परबत हैं जेन पै ऊ मेहरारु बइठी है, अउर ऊ सात राजनों हैं। ¹⁰जेनमें ते पांच केर पतन होइ गयन एक मौजूद है अउर आखिरी अब तब नाहीं आय। ऊ आई तो थोरे दिन रही। ¹¹जउन पसु रहा, मुला अब नाहीं रहा, ऊ खुद आठवां होई। वूहो सात केर दिल केर है अउर वहिका नास जरूरी है।

¹²तू जउन दस सींग देख्या, ऊ दस राजा रहिन। वै अबहीं राज करब सुरु नाहीं किहिन है। वै उइ पसु केर साथे घरी भर केर खातिर राजसी हक पइहैं। ¹³वै एक मत होइके आपन सक्ती अउर हक वैपसु केर सौंप देइहैं। ¹⁴वै मेमना केर साथे जुद्ध करिहैं अउर मेमना ओन पै विजयी होई काहे ते कि तू परभुअन केर परभु अउर राजन केर राजा है, अउर वहिके जरिए बोलावा गय, अउर चुना गय, अउर वेह पै विसवास करै वालेनौ जउन वहिके जरिए बोलावा गय, अउर चुना गय, अउर वेह पै विसवास करै वालेनौ जउन वहिके साथे हैं, विजयी होइहैं।

¹⁵फिर ऊ मोते कहिस, "ऊ समुन्दर, जउन तू देख्या, अउर जेह पै रंडी बइठी है, देस, मनइन केर जमात, जाती अउर भासा है। ¹⁶दस सींग जउन तू देख्या, वै अउर पसु वही रंडी केर दुसमन बनि जइहैं। वे ओका उजरिहैं, ओका नंगा करिहैं, वहिक मास खइहैं अउर ओका आगी मा भसम कइ देहैं। ¹⁷परमेसुर आपन योजना पूरा करै केर खातिर ओनके हिरदय मा भावना पैदा किहिन कि वै एकजुट होइ जाय अउर जब तक परमेसुर केर बचन पूर नाहीं होत, आपन सरकारी हक पसु केर दइ देय। ¹⁸ऊ मेहरारु, जेका तू देख्यो, महानगरी है जुगन ते धरती केर राजन पै सासन करत है'।

बेबीलोन केर पतन

18यहिके बाद हम एक अउर सरगदूत केर सरग ते उतरत देखेन। ऊ बड़ा ताकतवर रहा। ²वहिके तेज ते धरती चमक उठी। ऊ ऊंच आवाज ते कहिस, 'पतन होई गय, महानगरी बेबीलोन केर पतन होइ गय। ऊ भूतन केर अड्डा, सब तरह केर असुद्ध आतमन केर बास केर जगह अउर सब

तरह केर असुद्ध अउर घिरनित पच्छिम केर बसेरा बन गवा।

³सब कौमन वहिके भोग विलास केर मदिरा पीइन है। धरती केर राजन वहिके साथे बेभिचार किहिन है अउर दुनिया केर बैपारी वहिके रंग रेलियन ते धनवान बन गय हैं।

⁴मोका अब सरग ते दूसर बानी सुनाय दिहिस, 'हे मोर लोगन, ओहमें ते निकर आवो जैसे तू वहिके पायब केर सहभागी न बन अउर तोका वहिका बिपत न भोगे केर परे।

⁵काहें ते कि वहिके पापन केर घड़ा भरि गवा है, अउर परमेसुर वहिके कुकरम केर कारन ओका दंड देय खातिर याद किहिन है।

⁶ऊ जइसन कहिस है, वइसनै तुहू वहिके साथे करा, वहिके कामन केर ओते दूना बदला देव, जउने पियाला मा ऊ ढाले रहा वही मा वहिके खातिर दूना ढारी।

⁷ऊ जइसन डींग हाँकिस अउर रंग रेलियां किहिस, वइसने यातना अउर पीरा ओका देव। ऊ अपने मन मा कहत है, 'हम सनी बनी बइठे हयो। हम बेवा नाही हयो मोका दुख करै का का जरूरत।

⁸'यही कारन एकै दिन मा ओह पै मउत दुख अउर अकाल केर बिपत टूट परि है। ऊ आगी मा भसम होइ जाई, काहे ते कि वहिका नियाव करै वाला परभु परमेसुर सरबसक्तिमान है।

⁹धरती केर राजा, जउन वहिके साथे बेभिचार अउर रंग रेलियां करत रहिन वहिके जरे का धुआं देखिहैं तो रोइहैं अउर छाती पिटिहैं। ¹⁰वहिके यातना ते डरिकै वै दूरे खड़ा रहिहैं अउर कहिहैं "दुख! दुख! ओ महानगरी, बलवाली बाबुल नगरी, तोका घरी भरे मा दंड मिलि गय।

¹¹दुनियां केर बौपारी वहिके खातिर रोइहैं अउर विलाप करिहैं, काहे ते कि ओनके माल, ¹²सोना अउर चानी रतन अउर मोती, मलमल अउर बैजनी बस्तर, रेसमी अउर सिन्दूर रंग केर कपड़ा, कई तरह केर सुगन्ध भरी लकड़ी हाथी दांत केर चीज, कीमती इमारती लकड़ी, पीतर, लोहा, अउर संगमरमर केर बरतन। ¹³दाल चीनी, अउर मसाला, धूप अउर गंध रस, लोबान अउर मदिरा जैतून केर तेल, मैदा अउर गोहूँ, गाय, बैल अउर भेड़, घोड़ा अउर रथ, दास अउर बोदियन केर मोल लेय वाला कउनो नाही रहा।

¹⁴ओ बेबीलोन, जउने फल पावै केर तोर इच्छा रहा, वू तोसे दूर होइ गय तोर रेसमन अउर चमकदार चीजन नस्ट होइ गइन अउर वै अब कब्बो नाही

मिलिहैं। ¹⁵यी चीजन केर बैपारी, जउन वइ नगरी केर कारन धनवान बनि गय रहिन, अब वहिके यातना ते डरिकै दूर खड़ा रहिहैं। वै रोइहैं अउर विलाप करिहैं। ¹⁶'हाय! हाय!, वै महानगरी पै जउन मलमल बैजनी अउर सेनुर केर रंग केर बस्तर पहिरत रही, अउर सोना, रतन अउर मोतियन ते लदी रही।'

¹⁷'वहिका वैभव घरी भरे मे माटी मा मिलि गय।' पनिअहवा जहाज केर मालिक पानी केर यात्री, मल्लाह अउर समुन्दर केर बैपारी दूर खड़ा रहिन। ¹⁸अउर वहिके जरे केर धुआं केर देखि केर चिल्लाय उठिन, 'यह नगरी की नाई महा नगरी अउर कउन रही?' ¹⁹वै सिर पै धूर डारिन अउर रोवत व विलाप करत कहिन, 'दुख! दुख! वेह महानगरी पै, जेहिके ऊ पार सम्पतित ते समुन्दर केर सब नैनन केर मालिक धनवान बनिन। ऊ घरी भरे केर उजर गय।'

²⁰हे सरग, हे पवित्तर लोग, परेरितन अउर नबियन, वहिके हार ते आनन्द होओ, काहें ते कि परमेसुर तोहरे पच्छ मा अउर वहिके खिलाफ निरनय दिहिन है।

²¹तब एक बलवान सरगदूत बड़ा चकिया केर पाट की नाई एक पाथर उठाइस अउर समुन्दर मा फेंक दिहा जाई, अउर वहिका पतो नाही चली।

²²तो हमें बीना बजवैया, गवैया, बांसुरी बजैया, अउर तुरही फूके वालन केर सबद फिर कब्बो सुनाय नाही परी। कउनो बेवसाय केर कारीगर फिर कब्बो तो हमें नाही मिली। चाकी केर धुन फिर कब्बो तोहमें नाई सुनाई देई।

²³दीपक केर परकास फिर कब्बो तो हमें नाही चमकी। दुलहा अउर दुलहिन केर मुंहौ आनन्द हुलास केर आवाज नाही निकरी तोर बैपारी दुनियां केर धनी मानी मनई रहैं तोरे इन्दरजाल सब कौमन केर भरम मा डार दिहे रहा।

²⁴'नबीयन अउर पवित्तर लोग केर रकत तोही मा पाइ गय, अउर वै सब लोगन केर रकत भी, जउन धरती पै बध किहा गय हैं।'

विजय गान

19 यहिके बाद हम मानों एक बड़े हजूम केर सरग मे कहत सुन्यो, परभु कै परसनसा होय! अउर परसनसा अउर सामरथ हमरे परमेसुर केर हैं।

²परमेसुर केर फइसला उचित अउर धरम संगत हैं। इ वेह नीच वैसिया केर दंड दिहिस, जउन अपने बेभिचार ते दुनिया केर भरस्ट कय दिहे रही। परमेसुर ओसे अपने सेवकन केर रकत केर

बदला लिहिस है।

³फिर वै बोले उठे, परभु के परसनसा होय। महानगरी के जरे केर धुआँ जुगान्तर तक ऊपर उड़त रही।

⁴तब चउबीस पराचीन अउर चार परानी दंडवत कइ केर राजगद्दी पै विराजमान परमेसुर केर बन्दना किहिन अउर कहिन, 'आमी! परभु केर दंडवत होय'।

⁵राजगद्दी ते ई बानी भय: 'अपने परमेसुर केर भय मानै वाले, वहिके छोट-बड़न सब सेवकन, परभु केर परसनसा करौ।

⁶तब हम एक घोर गरजन केर सबद सुनेन। ऊ बड़ी भीर की नाई आवाज रहा। ऊ मोका समुन्दर केर गरजन की नाई लाग। 'परभु केर पूजा करौ। हमार परभु सरबसक्तिमान परमेसुर राज करत है।

⁷हम खुसी मनावै, हुलसै अउर वहिका परसनसा करै, काहे ते कि मेमना केर बियाह उतसव आय गय है। अउर वहिका दुलहिन सिंगार कइ लिहे है।

⁸दुलहिन केर सफेद अउर उज्जर, महीन मलमल ते सजे खातिर आग्या मिल गय है। (ई मलमल भगतन केर धरम आचरन है)

⁹फिर सरगदूत मोते कहिस, 'यी लिख: धन्य हैं वै जे मेमना केर बियाह-भोजन मा बोलावा गय हैं।' ऊ मोसे इहो कहिस, 'ई परमेसुर केर सच बचन है।

¹⁰तब हम सरगदूत केर बन्दना करै खातिर वहिके गोड़े पै गिर परयो। मुला ऊ मोसे कहिस, 'अइसन न कर? हम तो तोहार अउर तोहरे भाइयन कै, जउन यीसु कै, साखी देत हिन, साथी सेवक हयो। परमेसुर केर बन्दना कर यीसु मसीह केर साच्छी देव, तबूवत केर आतमा है।'

उज्जर घोड़े पइ सवार

¹¹अब हम सरग खुला देखेन, अउर देखेन, एक उज्जर घोड़ा जेकर सवार विसाती अउर सच्चा कहावत है। वू धरम केर मुताबिक नियाब अउर जुद्ध करत है।

¹²वहिका आंख मानो अगिनी केर ज्वाला हैं। वहिके मूड़े पे कई मुकुट हैं। ओह पै एक नाव लिखा है जेका वहिके अलावा केहू नाहीं जानत। ¹³ऊ रक्त ते सना बस्तर पहिरे है, अउर वहिका नाव है 'परमेसुर केर बसद'। ¹⁴सरग केर फौजन सफेद अउर मलमल पहिरे, सफेद घोड़न पै बैठ केर ओर पीछा करत हैं।

¹⁵वहिके मुंह ते एक तेज तरवार निकरी आय कि ऊ कौमन पै परहार करै। ऊ लौह दंड ते ओन पे सासन करी अउर सरबसक्तिमान परमेसुर केर डरावनी किरोध केर मदिरा केर रसकुंडा रौंदी। ¹⁶वहिके कपड़ा अउर जांघ पै ई नाव लिखा है, 'राजन केर राजा

अउर परभुन केर परभु।'

राजाओं केर राजा अउर परभुओं केर परभु

¹⁷अब हम एक सरग दूत केर सूरज मा खड़ा देखेन। ऊ बीच आकास मा उड़ै वाले पच्छिन ते ऊच अवाज मा चिल्लाय केर कहिस, आव, परमेसुर केर महाभोज खातिर यकट्टा होव। ¹⁸तोका राजन केर, सेनापतिन केर, ताकतवर मनईन केर, घोड़न अउर घुड़सवारन का, आजाद गुलाम अउर छोट-बड़न सब केर मास खाया खातिर मिली।'

¹⁹हम पसु केर धरती केर राजन केर अउर ओनते फौजन केर यकट्टा होत देख्या कि वै वेह घुड़सवार वे अउर वहिके फौज ते जुद्ध करै। ²⁰ऊ पसु पकरा गय अउर वहिका साथे ऊ झूठ नबी जउन वहिके मौजूदगी मा चमत्कार देखावत रहा, अउर पसु केर छाप लगा लोगन अउर पसु केर मूरति पूजवैयन केर धोखा देत रहा। वै दूनो गंधक ते धधकत अगिनकुंड मा जिन्दा डार दिया गइन। ²¹बाकी लोगन वै घुड़सवार केर मुंह ते निकरी तरवार ते मारा गइन अउर सब पच्छी वहिका मास खाइकेर तिरिपत भए।

हजार बरस

20 तब हम एक दूत केर सरग ते उतरत देखेन। वहिके पास बड़ा गहिर कुंड केर कुन्जी अउर हाथे मा एक बड़ी जंजीर रही। ²ऊ अजगर केर, वह पुगन साँप केर जउन दोस लगाने वाला सैतान कहावत है, पकरिस अउर एक हजार साल खातिर बांश केर। ³बहुत गहिर कुंड मा फेंक दिहिस अउर कुंड केर बन्द कइकेर मोहर लगाय दिहिस कि ऊ जहार साल पूर होय तलक देसन केर भर भस्ट न करै यहिके बाद कुछ समय खातिर छोड़ब जरूरी होइ जाई।

⁴तब हम राजगद्दी देखेन जेनपे वै लोगन बड़ठा रहिन, जेन्हे नियाव करै केर हक मिला रहा। हम वै लोगन आतमनौ देखेन जउन यीसु केर गवाही अउर परमेसुर केर सँदेस सुनावे केर कारन काटा गय रहिन, जेनके मूड़ का आ गय रहिन। वै न तो पसु केर पूजा किहे राहेन, अउर न वहिके मूरति केर, अउर न वहिका छाप अपने ललाट या हाथे पै लिहे रहिन। वे जी उठिन अउर मसीह केर साथे एक हजार साल तक राज करत रहिन। ⁵बाकी मनई जहार साल पूर होय तक जिन्दा नाहीं भइन। यी पहिला मृतकन केर उठान है। ⁶ऊ मनई जउन धन्य अउर पवित्तर है यहे पहिल दुआरा उठान मा जिन्दा होई। अइसे लोगन पै दुसर मिरतु केर कउनो हक नाहीं यी लोग परमेसुर अउर मसीह केर पुरोहित होइहैं अउर ओनके साथे

हजार साल तक राज करिहैं।

सैतान केर छूटव अउर आखिरी लड़ाई

⁷हजार साल पूर होय पै सैतान जेहलखाना ते छवाँडा जाई। ⁸अउर ऊ धरती केर चारो कोनन मा बास करै वाली कौमन, योग अउर आयोग केर भडकावै अउर युद्ध खातिर यकट्टा करै निकरी। ओनके गिनती समुन्दर केर बालू की नाई अनगिनत होइ। ⁹वै दूर तक फैला जमीन पै हमला किहिन अउर पवित्तर लोग केर छावनी अउर नगरी केर घेर लिहिन। तब सरग ते अगिन गिरी अउर वू उनका भसम कय दिहिस। ¹⁰उनका भटकावै वला सैतान अगिन अउर गंधक केर कुंड मा डारि दिहा गय जहाँ पसु अउर झूठ नबी है। वे दिनों रात जुगन—जुगन तक यातना मे तड़पत रहिहैं।

मिरतकन केर फिर ते उठान अउर आखिरी नियाव

¹¹फिर हम एक बड़ा सफेद न्यायगद्दी देखेन, अउर ओहू केर भी देखेन जउन वोह पै विराजत है। वहिके मौजूदगी मा धरती अउर अकास भागेन अउर ओन्हें कउनो जगह नाहीं मिला। ¹²तब छोट अउर बड़ा सब मिरतकन केर राजगद्दी केर समाने खड़ा देखेन। किताब खोल गइन। अब दूसर यानी जिन्दगी केर किताबौ खोली गय। किताबन हम लिखा बातन केर मुताबिक मिरतकन केर करम केर मुताबिक नियाव भया। ¹³समुन्दर आपन मरतक दय दिहिस अउर मौत व निचला लोक आपन—आपन मरतक अउर हर एक केर ओन केर करमन केर मुताबिक नियाव भय। ¹⁴तब मिरतु अउर निचला लोक अग्निकुंड मा फेंक दिया गइन। ई अग्निकुंड दूसर मिरतु है। ¹⁵जेकर नाव जिन्दगी किताब मा लिखा नाहीं मिला, ऊ अग्निकुंड मा फेंक दिया गय।

नवा यरुसलेम

21 तब हम नवा अकास अउर नई धरती केर देखेन, काहे ते कि पहिला अकास अउर पहिली धरती केर लोप होय चुका रहा अउर समुन्दर केर भी पता नाहीं चला। ²हम देखेन कि पवित्तर नगरी, नवा यरुसलेम, परमेसुर केर पास ते अउर सरग ते उतरत है। ऊ अपने दुलहा खातिर सिंगार किहे दुलहिन की नाई सजी संवरी है। ³फिर हम राजगद्दी ते गंभीर बानी सुन्यो, 'देख, मनइन केर बीच परमेसुर केर पड़ाव। परमेसुर ओनके साथ बास करी। वै लोगन वहिका परजा होइहैं अउर परमेसुर खुद ओनके साथे रही। वू ओनके परमेसुर होई।' ⁴ऊ ओनके आंखी ते सब आंसू पोंछ डारी। यहिके बाद

न मिरतू रही, न दुख न रोना अउर न कस्ट, काहे ते कि पहिली बातन बीत चुकी है।

⁵तब जउन राजगद्दी पै विराजत है ऊ कहिस, 'देख हम सब कुछ नवा कहे देत हई। फिर कहिस, 'लिख, काहे ते कि ई सबद विसवासु करै लायक अउर सत है।'

⁶ऊ मोसे फिर कहिस, 'पूर मय अलफा अउर ओमेगा, सुरुआत अउर आखिर यहीं हयो। हम पियासे केर बिना मोल लिहे जिन्दगी पानी केर झरने ते जल पियइवे। ⁷जउन विजयी होई वू एकर उत्तराधिकारी होई। हम होकर परमेसुर होइवू अउर ऊ मोर बेटवा होई। ⁸मुला कायरन, वे विसवासिन, धिरनित, मनईन, हत्यारन, बेभिचारिन, जादूगरन, मूर्ति पूजवैनन अउर सब झूठ बोलवैनन केर जगह अगिनी अउर धधकत कुंड मा होई। इहै है दूसर मिरतु।'

⁹यहिके बाद जेह सात दूतन केर पास सात आखिरी विपत्तिन ते भरा सात कटोरा रहिन, ओनमें ते एक आयकर मोते कहिस, 'आ, तोका दुलहिन यानी मेमना केर मेहरारू केर दरसन करावौ।' ¹⁰ऊ मोका आतमा मा एक बड़े अउर ऊंच पहारुन पै ले गय अउर वह मोका परमेसुर केर लगे ते अउर सरग ते उतरत पवित्तर नगरी यरुसलेम देखाइस। ¹¹ऊ परमेसुर केर महिमा ते सजी रही। ऊ वेस कीमती रतन अउर फटिक, सफेद सूरकान्त मनी की नाई चमकीली रही। ¹²सरहपनाह बड़ी अउर ऊंच रही। वहिके बारह फाटक रहिन अउर फाटकन पै बारह सरगदूत रहिन। फाटकन पै इसराएलिन केर बारह कुलन केर नाव लिखा रहा। ¹³पूरब की ओर तीन फाटक, जबाबु की ओर तीन फाटक, दक्खिन की ओर तीन फाटक अउर पच्छू की ओर तीन फाटक रहिन। ¹⁴नगर केर सहरपनाह मा नीच केर बारह पाथर रहिन जेन पै मेमना केर बारह परेरितन केर बारह नाव लिखा रहिन।

¹⁵जउन मोरे साथे बात करत रहा, वहिके पास सहर केर, वहिके फाटकन अउर वहिके परकोटन केर नापै खातिर सोने केर माप दंड रहा। ¹⁶ऊ नगर वरग केर अकार केर हैं, केतना लम्बा है, ओतने चौड़ा। ऊ मापदंड ते नगर केर नापिस, तो उइ दुइ हजार दुइ सौ बीस किलोमीटर निकरा, वहिका लम्बाई चौड़ाई अउर ऊंचाई समान है। ¹⁷ऊ नगर केर परकोटा नापिस तो ऊ मनइन मा परचलित नाप केर मुताबिक जेका सरगदूत इस्तेमाल किहिस पैसठ मीटर ऊंच निकरा। ¹⁸नगर केर परकोटा सूरजकान्त मनी ते बना है, अउर खुद नगर निरमल कोच की नाई सुद्ध सोने केर है। ¹⁹सहर पनाह केर नीव केर पाथर कई तरह केर रतनन ते मढ़ा हैं। नीव केर पहिला पाथर है सूरजकान्त,

दुसरा नीलम, तीसरा गोवन्ती, चउथा मरकत।²⁰पांचवां गोमेदक, छठवां रुधिरासय, सातवां सोने केर गनी, आठवां पेरोज, नवां पुखराज, दसवां लहसूनिया, ग्यारहवां धूमकानत अउर बारहवां चन्दरकान्त।²¹बारह फाटक बारह मोतियन केर बना है। हर एक फाटक एक पूरे मोती केर बना है। नगर केर चौक सुद्ध सोने क बना है। अउर कांच की नाई आरपार देखत है।

²²हम नगर मा कउन मंदिरनाहीं देखेन, काहें ते कि सर्वसक्तिमान परभु परमेसुर अउर मेमना वहिका मंदिर है।²³वेह नगर केर परकास देय खातिर सूरज अउर चांद केर जरूरत नाहीं काहें ते कि परमेसुर केर तेज ओका परकासित करत है अउर मेमना वहिका दीया है।²⁴सारी जातिन वहिके जोती मा चलिहैं अउर धरती केर राजा ओह मा एस्वर्य लइहैं।²⁵वहिका फाटक दिन मे कब्बो बन्द नाहीं होइहैं, अउर रात बंद होइबैं नाहीं करी।²⁶वै ओहमें अपने—अपने जातिन केर वैभव अउर ऐस्वर्य लइहैं।²⁷मुला कउनो अपवित्त चोज या कउनो धिरनित मा असत आचरन करै वाला ओह मा दाखिल नाहीं करै पाई, मुला खाली वै लोग जेनके नाव मेमना केर जिन्दगी किताब मा लिखा है।

जीवन केर नदी

22अब ऊ मोका फटिक की नाई साफ जिंदगी पानी केर नदी देखाइस जउन परमेसुर अउर मेमना केर राजगद्दी ते निकरत रही।²नगर चौक केर बीच मा बहत यह नदी केर दूनो किनारन पै जिनगी केर पेड़ है, जउन परकार फल देत है अउर हर महीना फल देत है, यह पेड़ केर पाती देसन केर निरोग करत है।³अब ते कुछु सराप नाहीं होई। यह नगर मा परमेसुर अउर मेमना केर राजगद्दी होई अउर मेमना केर सेवक वहिका सेवा करिहैं, ⁴वै वहिके चेहरे केर दरसन करिहैं अउर ओनके लालट पै वहिका नाव लिखा रही।⁵फिर कउनो रात नाहीं होई। ओन्हें दीया केर जोत अउर सूरज केर परकास केर जरूरत नाहीं होई, काहें ते कि परभु परमेसुर ओन पै परकार करी अउर वै जुगन—जुगन तक राज करिहैं।

⁶तब सरगदूत मोते कहिस, “ई बातन विसवास करै लायक अउर सत है। नबियन केर परेरक परभु परमेसुर आपन सरगदूत भेजिन है कि अपने सेवकन केर ई बातन बताय देय जउन जल्दी होय वाली ई है।”

यीसु दुआरा आइब

⁷देख, “हम जल्दी आवत हौं” धन्य है ऊ जउन यह किताब केर बबूवत केर बानी केर मानत है।

⁸हम यहुन्ना खुदै देखेन अउर सुनेन। ई देखिके अउर सुनके हम यह बातन केर देखावे वालन सरगदूत केर बन्दना करै खातिर वहिके चरनन पै गिर परेन।⁹मुला ऊ मोसे कहिस, अइसन न कर। हम तोर, तोरे भाई नबियन केर अउर यह किताबन केर बातन केर माने वालन केर साथी, सेवक भर हायों, परमेसुर केर बन्दना कर।

¹⁰ऊ मोसे फिर कहिस, ‘यह किताब केर नबूवत केर बानी को गुप्त न रख। काहें ते कि समय नगीच है।’¹¹अधरमी अब अधरम करत रहै, कलुसित मनई कलुसित बना रहै, धरमातमा धरम पै चलत रहै, अउर पवित्त भगती करत रहै।’

¹²देख, हम जल्दी आवत हयौं, हर एक मनई केर वहिके करमन केर मुताबिक, देय खातिर फल मोरे पास है।¹³‘उनला अउर ओमेगा, पहिला अउर आखिरी सुरु अउर आखिरी यही हयो’।

¹⁴धन्य है वै जउन अपन बेवहार रुपी कपड़न केर साफ रखत हिन। वै जिनगी विरिच्छ है हकदार होइहैं अउर फाटकन ते नगर मा दाखिल होइहैं।¹⁵मुला कुक्कुर, जादूगर, बेभिचारी, हत्तियारन, मूरति पूजै वालन अउर झूठ ते परेम करवेयन अउर झूठ फरेब करै वालन वहिरे ही रहिहैं।

¹⁶‘मोका यीसु खुद आपन सरगदूत भेजिन है, कि कलीसियन केर बारे मा तोरे सयाने ई गवाही देय। हम दाउद केर मूल पुरखा हन, वहिका बेसज हयों और भिनही केर उज्जर तरई हन।’

¹⁷आतमा अउर दुलहिन कहत है, ‘आव, सुनै वाला भी कहै, ‘आव’ जउन पियास है ऊ आवै, अउर जउन चाहत है ऊ बिना मोल दिहे जिनगी केर जल गरहन करै।’

¹⁸जउन मनई यहि किताब मा लिखा नबूवत केर बानी केर सुनत है ओन सबके वह चेतावन हन, अगर कउनो मनई इह मा कुछु जोड़ी तो परमेसुर यह किताब मा लिखी सगरी बिपदा ओह पै डारी।¹⁹अउर अगर कउनो येह नबूवत केर किताब केर सबदन मा ते कुछु मिटाई तो परमेसुरो यह किताब मा लिखी जिन्दगी विसुद्ध अउर पवित्त नगर ते वहिका हीस मिटाय देई।

²⁰ई बातन केर गवाही देय वोला केर कहब है, ‘जिस्तूकी, हम जल्दी आवत हन। आमीन, आओ परभु यीसु।’

²¹सब पै परभु यीसु केर किरपा रहै।